

Galesia

Galesia nanare niŋ Yesuyen alya bereya hitte Pol belen asaŋ kayyiŋ

1 ¹⁻²Ne Pol belen deŋ Yesu Kristuyen alya bereya Galesia nanare haŋ goyen goke teŋ asaŋ gago kaŋ hime. Kadne yago neya hite mar gare manan tumnan deŋ ge nurde haŋ geb gago momon dirde hime. Ne Yesuyen mere basan al aposel himirin gabe megen niŋ al kura belen ma meten gayen nunamin. Hubu wor po! Gwahade yarabe Yesu kamke isan hiriŋ al Nanniniŋ Al Kurunya Yesuya belen hulyan nirke meten gago teŋ himyen. ³Be, asaŋ ga kaŋ henyaŋ Adoniniŋ Al Kurunya Doyaŋ Al Kurun Yesu Kristuya belen buniŋen dirde iŋiŋ iŋiŋ dirde bitiŋ yisikamke iŋiŋ hiwoŋ yeŋ nurde hime. ⁴Yesu gobe Adoniniŋ Al Kurunyen dufay po gama irdeb mata bulun kurun gayenter forok yeŋ haŋ gayen bana mat dawaren yeŋbe mata bulunniŋ ge teŋ yingen ge ma nurde kamyin. ⁵Ningeb fudinde wor po, Al Kurun po ga huginen denem turun yeŋ irde hitek.

Mere iŋiŋ Yesu niŋ yitiŋbe unken po

⁶Be, denbe Yesu Kristu belen buniŋen dirke Al Kurun belen Satan haniŋde mat dawaren yeŋ hoy dirde yende dirnen wen diryin. Gega dahade ningeb gwaha diryin al goyen bemel po harhoktin unen saba hoyan wor po gama irde haŋ? Nebe matatin goyen nurdeb deldol wor po irmiŋ. ⁷Mere hoyan gobe Yesu Kristu niŋ yitiŋ mere iŋiŋ goyen mon po. Fudinde wor po, al kura belen mere hoyan goyen tawan saba dirde dufaytin wabun yurde haŋ. Irdeb Yesu Kristu niŋ yitiŋ mere iŋiŋ goyen bulun irnin yeŋ kurut yeŋ haŋ. ⁸Goyenpoga Yesu niŋ yitiŋ mere nen belen saba dirtirin goyen al kura belen epte ma tigiri teŋ hoyan mat tagalyen! Nenbe Al Kurunyen dirnen wen gega, nen bana al kura belen gwaha titekbe mata bulunniŋ goke teŋ Al Kurun belen dade kak alare demeyke gor hugin hitek. Al Kurunyen

miyon wor gwahade po. ⁹Ne beleŋ hakot saba gwahade po yimirin goyen haŋka gago sopte dinen tebaŋ dirhem: Yesu niŋ yitiŋ mere goyen haŋkapy a nurde fudinde ya miŋ gega, al kura hoyan mat saba diryen al gobe Al Kurun beleŋ teŋ kak alare temeyke gor hugiŋ hiwoŋ yeŋ nurde hime. ¹⁰Ne ga yeŋ hime gabe al beleŋ turun nirnan yeŋ ma yeŋ hime. Hubu wor po! Nebe Al Kurun beleŋ igiŋ nini yeŋbe gago yeŋ hime. Al megen niŋ beleŋ moŋ! Munan al beleŋ turun nirnan yeŋ kurut yeŋ hime manhan Yesu Kristuyen meten al fudinde ma hemewon.

Al Kurun beleŋ Pol hoy iryiŋ

¹¹Be, kadne yago, mere direŋ tihim gayen miŋ keŋkela nurnan ko. Yesu niŋ mere yitiŋ momon dirmiriŋ gobe al beleŋ ma teŋ forok irtiŋ. ¹²Mere gobe al kura hitte ma timiriŋ. Irde al beleŋ ma saba nirtiŋ, Yesu Kristu yingen po saba nirde nikala niryiŋ. ¹³Hakot Yuda marte tikula keŋkela po gama irde mata teŋ hinhem gobe bikkeŋ nurde pasi haŋ. Irdeb Yesuyen alya bereya Al Kurunyen sios goyen bulun bulun wor po yirde daha mat kura mel goyen pasi po yire yeŋ kurut yeŋ hinhem go manan nurde hanŋen gogo. ¹⁴Nebe asininiŋ yagot tikula keŋkela wor po gama irde heŋbe kahaŋne kadne fole wor po yirde hinhem. Irde tikula go po keŋkela gama irtek wor po yeŋ nurde hinhem. ¹⁵⁻¹⁶Gega Al Kurun beleŋ kawaŋ ma himiriŋya po, “Kamebe metenye tiyyen,” yeŋ basaŋa niryiŋ niŋgeb, gago buninen nirde igiŋ igiŋ nirde hoy niryiŋ. Irdeb ne niŋ yeŋ, “Yeŋ beleŋ gab Urne Yesu niŋ Yuda mar moŋ al miŋ hoyan hitte kuŋ momon yirde tukuyeŋ,” yeŋbe Urmiŋ nikala nird nird niŋ wilakneŋ nuryiŋ. Irkeb Al Kurun beleŋ gwaha niryiŋ goya goyen po al kura hitte kuŋ daha tiyen yeŋ gusaŋa ma irmiriŋ. ¹⁷Irde al yeŋ wa Yesuyen mere basaŋ mar heŋ Yerusalem taunde hinhan goyen hurkun yenenbe yeŋ hitte mat dufay kura ma timiriŋ. Gwaha titneŋbe goyare po Arebia naŋare kuŋ goŋ hinhem. Irde gab mulgaŋ heŋ Damaskus taunde kumiriŋ. ¹⁸Be, Arebia naŋare mat kuŋ Damaskus taunde himeke kuŋ kuŋ dama karwo hubu hekeb Pita kene yeŋ Yerusalem hurkunbe naŋa fay 15 gayen gor yeŋya hinaryum. ¹⁹Gega gorbe Yesuyen mere basaŋ mar hoyan kura ma yinmiriŋ. Yems, Doyaŋ Al Kuruniniŋde kuliŋ po ga kinmiriŋ. ²⁰Mere ga dinen hime gabe fudinde wor po. Al Kurunbe nurde hi. Usi ma dirde hime. ²¹Be, Yerusalem matbe Siria naŋare kuŋbe gor mat Silisia naŋare kumiriŋ. ²²Niŋgeb go nalure goyenbe Yesu Kristuyen alya bereya sios Yudia naŋare hinhan gobe neya kura awalik heŋ ne niŋ yeŋ al gobe gwahade hiyuŋ yeŋ ma nurde nunen hinhan. ²³Al mohonde po, “Al gar hakot mudunen bulun bulun dirde Yesu niŋ dufaymiŋ saŋiŋ ird ird saba bulun ire yeŋ kurut yeŋ hinhin al gobe Al Kurun niŋ biŋ mulgaŋ hekeb Yesu niŋ tagalde hi,” yeke goyen po nurde hinhan. ²⁴Goyenbe mel gobe nere mere momon go nurdeb Al Kurun turun iramiŋ.

Yesuyen mere basan̄ mar beleŋ Polyen meten̄ goyen goke iŋin̄ nuramin̄

2 ¹Be, Yerusalem taun tubul timirin̄ goyen dama 14 kamereb teban̄ mulgan̄ heŋ Banabasya Yerusalem hurkaryum. Goyarebe Taitus manan̄ ten̄ hurkaryum. ²Yerusalem hurkumirin̄ gobe Al Kurun̄ beleŋ po ninkeb goyen gama irde hurkumirin̄. Irdeb mere iŋin̄ Yesu nin̄ yitiŋ goyen Yuda mar moŋ hitte tagalde hinhem goyen Yerusalem nin̄ Yesuyen alya bereyat doyan̄ mar momoŋ yirmirin̄. Gega al buda kurun̄ diliŋde ma momoŋ yirmirin̄. Monggo meten̄ ten̄ himyen goya kame meten̄ ten̄ heŋ goyena dufay hoyan̄ minyan̄ mar beleŋ nurde bulun̄ irnayin̄ yen̄ kafura heŋbe gogo Yesuyen alya bereya gote doyan̄ mar po yinmirin̄. ³⁻⁴Gega goya goyenbe al kura Yesu Kristu gama irhet usi ten̄ hinhan mar beleŋ neŋ gabu irtirin̄ bana goŋ wayamin̄. Irde Taitus neya hinaryum goyen Grik al keneŋbe, “Yuda marte tikula gama irde guba ma yiyyen̄be epte ma Al Kurun̄yen dirin̄ hiyyen̄,” yamin̄. Gega Yerusalem taunde nin̄ Yesuyen alya bereyat doyan̄ mar kura beleŋ Taitus go guba yen̄ yen̄ ge pakku ma iramin̄. Goyenpoga Yesu gama irhet usi ten̄ hinhan mar gobe Yuda marte tikula tubul ten̄ Yesu po gama irde hinhet goyen daha mat kura nurde merem yan̄ yirnin̄ yen̄ wan̄ mere nurnin̄ watin̄ yara tiyamin̄. Dufaymin̄debe neŋ Yuda marte tikula tubul titin̄ goyen sopte gama irnayin̄ yen̄ dumulgan̄ ten̄ tikula kanduk wor po gote yufuk bana dukunin̄ tiyamin̄. ⁵Gega neŋ karwobe gwaha titekbe kame deŋ manan̄ nurdeb Yesu nin̄ yitiŋ mere fudinde goyen keŋkela po gama irde hinayin̄ yen̄be usi mar gote dufaymin̄ goyen ma gama irtirin̄.

⁶Irkeb gor nin̄ Yesuyen alya bereyat doyan̄ mar, al beleŋ karkuwan̄nin̄ yen̄ palap yirde hinhan mar goyen manan̄ Yesu nin̄ al saba yirde hinhem goke mere ma tiyamin̄. Hubu wor po! (Be, doyan̄ mar ma al mali goyen Al Kurun̄ diliŋdebe tuŋande po yeneŋ hi. Al Kurun̄be al uliŋ siŋare gayen ma yeneŋ hiyen. Dufaymin̄ bin̄de goyen yeneŋ hiyen. Ningeb ne manan̄ gwahade po nurde himyen.) ⁷⁻⁸Be, Yesu nin̄ mere fudinde tagalde hinhem goke doyan̄ mar gore mere hoyan̄ kura ma po tiyamin̄. Irdeb Pita beleŋ Yesuyen mere basan̄ al heŋ Yuda mar bana meten̄ ten̄ hikeyabe Al Kurun̄ beleŋ faran̄ urde hinhin gwahade goyen po, ne beleŋ Yuda mar moŋ bana Yesuyen mere basan̄ al heŋ meten̄ ten̄ hinhemya wor Al Kurun̄ beleŋ faran̄ nurde hinhin goyen nuramin̄. Ningeb Al Kurun̄ beleŋ Yuda mar nin̄ Pita inyin̄ gwahade goyen po ne wor al min̄ hoyan̄ bana kun̄ Yesu nin̄ saba tagalayin̄ yen̄ meten̄ nunyin̄ goyen mel gore nurde bebak tiyamin̄. ⁹Irdeb Yesuyen alya bereyat doyan̄ mar karkuwan̄ yen̄ nurde yuneŋ hinhan al karwo, Doyan̄ Al Kurun̄nin̄de kulin̄ Yemsyabe kadam waran̄ Pitaya Yonya gore fudinde Al Kurun̄ beleŋ bunin̄en̄ nurde iŋin̄ iŋin̄ nirde hinhin goyen bebak tiyamin̄. Irdeb neya Banabasyabe yende meten̄ kadam yen̄ nurde

dunenbe awalik hiniŋ yeŋ handerer danarde amanŋ amanŋ diramiŋ. Irdeb, “Banabasya geyabe Yuda mar moŋ bana kuŋ metenŋ tiriryenŋ, munanŋ nenbe Yuda mar bana metenŋ tenŋ hitek,” dinamiŋ. ¹⁰Irdeb, “Al buninenŋ det miŋmoŋ faranŋ yurd yurd niŋ po gab bitiriŋ sir ma yiriryenŋ,” dinamiŋ. Goyenbe ne wor mata gwahade po timewoŋ yeŋ nurde hinhem.

Pita beleŋ soŋ hiriŋ

¹¹Be, kurare kurab Pita go Antiok taunde wayyiŋ. Yenya neyabe Al Kurunŋyen metenŋ unŋkurenŋ goyen po tenŋ haryen gega, mata kura Al Kurunŋ diliŋde buluŋ mat tenŋ hike kenenŋ igiŋ ma nurdeb kenkelak po kimiŋ mat inmiriŋ. ¹²Mata buluŋ tiyyiŋ gobe gahade: Pitabe al miŋ hoyanŋ Yuda mar moŋya dula tenŋ hinhan. Irkeb Yems beleŋ al kura Yerusalem mat yad yerke Antiok taunde Pita hitte kurkamiŋ. Gega Yuda marte tikula gama irde hanŋyen mar goyen wake yenenbe Pita gobe al miŋ hoyanya bingenene hinhan goke merem yanŋ nirnayiŋ yeŋ kafura hiriŋ. Irdeb Yuda mar moŋya bingenene hinhan goyen bada heŋ yeŋ ge muŋ po pat yiriŋ. ¹³Irkeb Yuda mar kura Yesu niŋ dufaymiŋ tareŋ irtiŋ goyen mananŋ Pita beleŋ mata huwakbe nurd nurd ga buluŋ mat kuke kenenbe yeŋ po gama iramiŋ. Irkeb kame Banabas mananŋ saba fudinde goyen tubul tenŋ mel gote mata po gama iryiŋ.

¹⁴Be, mel gore Yesu niŋ mere fudinde yitiŋ goyen tubul tenbe mata hoyan po tenŋ hike yenenbe go mar gote diliŋ mar po Pita goyen gaha inmiriŋ: “Gebe Yuda mar al gega, bikkenŋ Yuda mar al moŋ yara heŋ Yuda marte tikula tubul tiyariŋ. Goyenbe daniŋ al miŋ hoyanŋ gayen Yuda marte tikula gama irnanŋ yeŋ nurdeb mata gogo taha?” inmiriŋ.

¹⁵Be, nenbe al miŋ hoyanŋ “mata buluŋ mar” yinenŋ hityen goyen moŋ. Yuda mar wor po. ¹⁶Gega gayenter nenbe al kura Yuda marte tikula Moseyen saba goyen gama irke Al Kurunŋ beleŋ al huwak yeŋ kinyenŋ yeŋ ma nurde hite. Yesu Kristu niŋ po dufaymiŋ tareŋ irke gab al huwak yeŋ kinyenŋ yeŋ nurde hite. Ningeb Moseyen saba gore epte ma huwak diryenŋ geb, Al Kurunŋ diliŋde huwak hiniŋ yenbe Yesu Kristu niŋ po dufayniniŋ tareŋ irde hityen. ¹⁷Ningeb Al Kurunŋ beleŋ al huwak yeŋ dinyenŋ yenbe Yesu Kristu niŋ dufayniniŋ saŋiŋ irdeb Yuda marte tikula gama ma irtekeb tikula go gama irde hanŋyen mar beleŋ nenŋ gayen “mata buluŋ mar” dinenŋ hanŋyen. Ningeb Yesu Kristu niŋ tenŋ Yuda marte tikula goyen gama ma irde hite geb, Yesube mata buluŋ gote miŋ al? Moŋ, gwahade moŋ! ¹⁸Ningeb Moseyen saba gobe igiŋ moŋ yeŋ tubul timiriŋ gega, sopte mulganŋ heŋ gama irmeke al beleŋ, “Mata buluŋ tiyanŋ,” ninnayiŋ gobe fudinde geb, meremiŋ goyen epte ma wol hewenŋ.

¹⁹Be, Moseyen sabare al kura beleŋ saba go gama ma iryenbe al gobe kamyenŋ yitiŋ. Ningeb nebe saba go gama ma irde himyen geb, nebe al kamtiŋ yara saba gote yufukde ma hime. Gogab nebe Al Kurunya heŋ

yen ge po meter ten hen. ²⁰ Ningeb Yesu Kristu kuruse hende kamyin gwahade po, ne wor yenza tumnan kuruse hende kamaryum yen nurde hime. Ningeb gayenterbe nigen dufayner ma kun himyen. Gwaha titjenbe Yesu Kristu belej po neya hen doyan nirde hikeya kun himyen. Irde megen gar hime kurun gayenterbe Al Kurun Urmin ne nin amangen wor po nurde naware yen gasunne ten kamyin al goke heken nurde himyen. ²¹ Be, Al Kurun belej Moseyen saba gama irteke gab al huwak yen dinyen kenenbe Yesu Kristu kamyin gobe min minmon hiyyen. Goyenbe gwahade mon geb, Al Kurun belej buningen dirde igin igin dird dird goyen pel ma irde himyen.

Al huwak hen hen belejbe Yesu nin dufay taren ird ird gogo po

3 ¹ Be, Yesu Kristu kuruse hende mayke kamyin gobe kenkelak wor po bebak dirmirin. Gega dahade ningeb al kura belej usi dirke fudinde yen nuran? Ningeb goke tenbe den Galesia nanare nin marbe kukuwa wor po yen nurd dunen hime. ² Nebe det unkenen nin po gusunen diren tihim. Holi Spiritbe daha mat tamin? Moseyen saba gama irde tamin ma Yesu nin dufaytin taren irde tamin? ³ Bikkenbe dufaytin Yesu nin sanin irke Holi Spirit belej taren diryin. Irkeb Al Kurun dilingdebe wukken hitin han. Gega dani geb gayenterbe dindiken tarenjinde wukken hen hen ge kurut yen han? Da hard dunke kukuwa han? ⁴ Denbe han kapya Yesu nin ten kanduk kurun wor po yenen hinhan gobe dulin yenen hinhet yen nurde han? Mon! Nebe dulnen yen ma nurde hime geb. ⁵ Al Kurun belej Holi Spirit dunke mata tinen tunun yan kurayen kurayen yirke yenen hinhan goyenbe Moseyen saba gama irde hike dunyin ma mere igin Yesu nin yitin goyen nurde dufaytin sanin irkeya dunyin? Kenkela dufay hena ko.

⁶ Be, Al Kurunen mere asande gorbe Abraham nin gahade katin hi: “Yenbe Al Kurun nin dufaymin taren iryin. Irkeb Al Kurun belej go kenenbe yenbe al huwak yen nurde unyin,” yitin. Ningeb Abraham mata tiyyin goke dufay hena ko. ⁷ Irde al kura mar dufaymin Yesu nin taren irnayin gobe Abrahamen dirnen wen wor po henayin goyen kenkela nurde bebak tina ko. ⁸ Al Kurunbe kame kame al min hoyan Yuda mar mon goyen Yesu nin dufaymin sanin irkeb al huwak yiren yen nurde hinhin. Ningeb bikken Yesu nin nurde Abraham momon iryin goyen Al Kurunen asande gahade katin hi: “Gebe megen nin al buda kurun gayen nere guramya tarennya ten ten hiron hawayin,” yitin. ⁹ Ningeb Abraham belej Al Kurun nin dufaymin taren irke guram irde sanin iryin gwahade po, al kura belej Yesu nin dufaymin taren iryen gobe yen manan Abraham iryin gwahade po iryen. ¹⁰ Gega Al Kurunen mere kurabe gahade katin hi: “Al kura Moseyen saba asande katin hi goyen gama irde hiyen gega, unkenen mun kura son hekeb Al Kurun belej mata bulun

al yen kinyen,” yitiŋ. Niŋgeb megen niŋ al tumŋaŋ saba goyen keŋkela ma gama irtek geb, saba goyen gama irniŋ yen kurut yen haŋ marbe Al Kurun belen mata bulun mar yen yinyen. ¹¹Fudinde, Al Kurunyen mererebe, “Al kura Al Kurun diliŋde huwak hiyyen al gobe Al Kurun niŋ dufaymiŋ tareŋ irdeya kun hiyen,” yitiŋ hi. Niŋgeb Moseyen saba gama irde hinayinbe Al Kurun belen al huwak ma yinyen. ¹²Moseyen saba gama ird ird mata goya Yesu niŋ dufay saŋiŋ ird ird mata goyabe tunjande mon, hoyan hoyan wor po. Niŋgeb al kura Moseyen saba gama iryen gobe gote yufuk bana po hiyen. Munan al kura Yesu niŋ dufaymiŋ tareŋ ird ird mata gama iryenbe gote yufuk bana po hiyen. Niŋgeb goke ten Al Kurunyen merere gahade katiŋ hi: “Al kura mata kura gama iryenbe al gobe mata gote yufuk bana po hiyen,” yitiŋ. ¹³Niŋgeb bikken nenbe Moseyen saba goyen gama irde hinhet geb, gote yufuk bana po hinhet. Irde keŋkela ma gama irtek hinhet niŋgeb, Al Kurunyen bearar tetek wor po hinhet. Gega Al Kurunyen asandebe, “Al kura he hende kamyen gobe Al Kurunyen bearar bana hi niŋgeb, gogo he hende kama,” yitiŋ hi gwahade goyen po, Yesu Kristu belen dumulgan tiye yenbe gasunniŋ tenbe gogo kuruse hende kamyiŋ. ¹⁴Go tiyyiŋ gobe Al Kurun belen Abraham guram irde tareŋ iryiŋ goyen Yesu Kristu hitte mat Yuda mar mon al miŋ hoyan manan nen titiŋ gwahade po tenayin yenbe gogo tiyyiŋ. Gogab nen tumŋaŋ Yesu niŋ dufayniŋ saŋiŋ irdeb Al Kurun belen Holi Spirit dunen yen bikken biŋa tiyyiŋ goyen tetek.

Biŋaya Moseyen sabaya

¹⁵Be, kadne yago, biŋa ten ten niŋ yihim niŋgeb, nen daha mat biŋa ten hityen goyen momon direŋ tihim. Irkeb Al Kurun belen biŋa tiyyiŋ gobe mali mon, det kurun wor po yen bebak tinayin. Be, al irawa kura mere sege irde biŋa tiyiryenbe kame kadom kura belen epte ma walyen. Irde mere go hende mere hoyan kura ma kiryen. ¹⁶Al Kurunbe gwahade po Abraham diliŋde biŋa ten teban tenyabe, “Abraham, geya fonenge kame kame forok yiyyen goyabe guram dirde tareŋ direŋ,” inyiŋ. Al Kurun belen “fonenge” yiriŋ gobe al budam niŋ ma yiriŋ. Al unkuren gobe Yesu Kristu niŋ po yiriŋ. ¹⁷Ga yen hime gate minbe gahade: Al Kurun belen Abraham diliŋde biŋa tiyyiŋ goyen dama 430 kuke gab Moseyen saba forok yiriŋ. Niŋgeb Al Kurun belen mehenbe biŋa tiyyiŋ goyen Moseyen saba gore epte ma walyen. ¹⁸Be, Al Kurun belen Abraham buniŋen irde igiŋ igiŋ ire yenbe diliŋde biŋa tiyyiŋ go po gama irde guram irde tareŋ iryiŋ. Niŋgeb nen gayen Moseyen saba gama irteke Al Kurun belen Abraham iryiŋ gwahade diryen? Epte mon! Gwaha diryen manhan biŋa tiyyiŋ gobe miŋ miŋmon hewon.

¹⁹Niŋgeb daniŋ wor po Al Kurun belen Moseyen saba goyen kiryiŋ? Gobe mata daminbe diliŋde bulun goyen al yikala yire yenbe gogo

kiryinj. Goyenbe Al Kuruj belej Abraham hitte biŋa tiyyinj al Yesu goyen forok yenbe Moseyen saba goyen isikamke hubu hiyyenj yen nurdeya kiryinj. Irde Al Kuruj belej Moseyen saba Yuda mar yunyinj gobe miyongmin hulyanj yirke katenj Mose haniŋde keraminj. Yingenj haniŋde ma unyinj. Irkeb Mose belejbe kahalte niŋ al hejbe saba goyen al momonj yiryinj. ²⁰Goyenpoga Al Kuruj belej Abraham diliŋde biŋa tiyyinjyabe yingenj po inyinj. Al kura belej Al kurujyen mere basanj hej Abraham momonj ma iryinj.

²¹Be, gwahade niŋgeb, Moseyen saba goreb Al Kuruj belej biŋa tiyyinj goyen walyenj? Monj, epte monj! Niŋgeb saba gore nej huwa dirke Al Kuruj belej dawaryenj manhan saba gore Al Kuruj biŋa tiyyinj goyen epte walyenj yemewonj. Gega gwahade monj. ²²Gwahade yarabe Al Kurujyen asanŋdebe al buda kuruj megen haŋ gabe mata buluj belej po aw yurtinj gwahade katiŋ hi. Niŋgeb al kura dufayminj Yesu Kristu niŋ po saŋinj iryenj gob Al Kurujya awalik hej Holi Spirit tiyyenj yen biŋa tiyyinj goyen fudinde gwahade go po tiyyenj.

²³Be, Yesu niŋ dufay tareŋ ird ird mata ma forok yirinjyabe Moseyen saba gote yufuk bana po hej kuŋ kuŋbe Yesu wayyinj. ²⁴Moseyen saba gobe mata bulujniniŋ dikala dirde hinhin. Irkeb mata bulujniniŋ halde huwa diryenj al Mesaia niŋ nanŋkenenj hinhet. Al Kurujbe gwaha tenj hinayinj yen nurdeb gogo saba go kiryinj. ²⁵Irkeb Yesu forok yeke dufayniniŋ yen ge tareŋ irde hite geb, gayenterbe Moseyen saba gote yufuk bana ma hite.

²⁶⁻²⁷Deŋ mananj baptais tenjbe Yesu Kristuya awalikde po haŋ. Irde al huwak wor po Yesu yara hetek yen nurde haŋ. Niŋgeb deŋbe tumŋanj Yesu Kristu niŋ dufaytiŋ saŋinj irde Al Kurujyen dirŋenj weŋ haŋ. ²⁸Niŋgeb Yuda mar ma Grik mar, doyaŋ mar ma metenj mar, al ma bere wet kuruj goyen Yesu Kristuya hinayinjbe al miŋ unŋkurenj po henayinj. ²⁹Niŋgeb deŋ goyen Yesu Kristuyen al henayinjbe Abrahamyen dirŋenj weŋ henayinj. Irdeb Al Kuruj belej dirŋenj weŋbe detminj iginj^a yunenj yen biŋa tiyyinj goyen deŋ mananj yawarnayinj.

4 ¹Be, diriŋ kura kame naniŋde det yawaryenj yihim goyen goke sopte gaha mat momonj direŋ tihim: naniŋde samujbe urminj. Gega urminj go diriŋ wor po hiyyenyabe metenj al kura belej doyaŋ alminjde samuj dufayminjde epte ma yawaryenj go gwahade goyen po diriŋ goyen wor dufayminjde mali ma tiyyenj. ²Niŋgeb diriŋ po hikeyabe naniŋ belej al hoyanj yinke yen belej urminj go doyaŋ irdeb samujminj mananj doyaŋ yirde hinayinj. Irkeb mereminj gama irde kuŋ kuŋ naniŋ belej nalu kirtiŋde gor heke gab iginj yingenj dufayminjde dawetminj doyaŋ yiryenj.

^a **3:29** Detminj iginj gobe megen niŋ samuj niŋ ma yitiŋ. Al Kurujya huginenj hej hej mata goya Holi Spiritya goyen goke yitiŋ.

³Ningeb gwahade goyen po, neŋ manan mere fudinde goyen kenkela ma nurde heŋyabe tumnan dufayniniŋbe wuk ma yekeb megen niŋ tikula yufuk bana po heŋbe go po gama yirde hinhet. ⁴⁻⁵Gega Al Kurun belen nalu goyenter ga yiriŋde gor forok yekeb Urmiŋ teŋ kerke katyiŋ goyenbe bere belen kawan kiriŋ. Yeŋbe neŋ Moseyen saba yufuk bana hinhet goyen daha wor Al Kurun hitte yawameke Al Kurun dirneŋ weŋ hewon yeŋbe Moseyen saba yufuk bana kawan heŋbe neŋ al yara hiriŋ.

⁶Ningeb deŋbe Al Kurunyen dirneŋ weŋ haŋ goke teŋbe Urmiŋya haryen Holi Spirit goyen teŋ kerke bitiŋde kateŋ doyan dirde hiyen. Irkeb gore dirkeb bitiŋde mat Al Kurun goyen diriŋ mukneŋ belen naniŋ yago hoy yirde hanŋen yara, “Ado, Ado” ineŋ hanŋen gogo. ⁷Gwahade geb deŋbe Al Kurun dirneŋ weŋ. Ningeb megen niŋ tikula kura gote yufuk bana ma haŋ. Irde kamebe Al Kurunyen det kurun gote miŋ mar henayiŋ.

⁸Be, hakotbe Al Kurun ma nurde uneŋ hinhan goyarebe megen niŋ tikula po gama irde unŋurayen yufuk bana po heŋ yeŋ ge kafura heŋ hinhan. Goyenbe unŋura gobe Al Kurun moŋ. ⁹Gega gayenterbe Al Kurun nurde uneŋ haŋ. Ma, Al Kurun belen nurde dunen hi yeweŋ gobe igiŋ. Ningeb daniŋ mulgan heŋ megen niŋ usi tikula gote tareŋmiŋ keneŋbe gote yufuk bana hokoyan hiniŋ teŋ haŋ? Tareŋmiŋ gobe Al Kurunyen tareŋ folek moŋ gega, daniŋ tikula gore dukdawan dirke kafura heŋ sopte gama irniŋ teŋ haŋ? ¹⁰Deŋbe megen niŋ tikulare naluya gagasiya damaya kurayen kurayen yirtiŋ goyen gama yirde haŋ. ¹¹Deŋ belen gwaha tikeb duldul wor po meten timiriŋ yeŋ deŋ ge kandukneŋ nurde hime. ¹²Ningeb, kadne yago, ne belen deŋ hitte kuŋ deŋ mata teŋ hinhan goyen teŋ hinhem gwahade goyen po, deŋ wor ne mata teŋ hime gayen po teŋ hinayiŋ yeŋ gago gusuŋan dirde hime.

Be, haŋkapy ne kuŋ deŋya hinhemyabe muŋ kura buluŋ ma nirde hinhan. ¹³Be, haŋkapy wor po deŋ hitte mere igiŋ Yesu niŋ yitiŋ goyen tagalmiriŋ gobe garbam belen nirke hoyande ma kuŋ deŋya heŋ saba dirmiriŋbe nurde haŋ gogo. ¹⁴Garbam himiriŋ gore kanduk dunyiŋ gega, neneŋ yilwa nirde nakikira ma niraminiŋ. Gwaha titneŋbe Al Kurunyen miyoŋ ma Yesu Kristu yingneŋ goyen gargar irtiŋen niraminiŋ. ¹⁵Deŋbe bitiŋde mat ne niŋ amanen wor po nurdeb dettiŋ saŋiŋ kura al hoyanbe epte ma wor po yuntek goyen nebe wilakneŋ po nuntek hamiŋ yeŋ denen hinhem. Gega gayenterbe aman dufaytiŋ kurun gobe daha tiyuŋ? ¹⁶Gayenter mere fudinde gayen momoŋ dirmekeb asogo dira yeŋ nurde haŋ?

¹⁷Be, usi saba mar deŋ bana haŋ gobe deŋ goyen dawarniŋ wor po yeŋ nurde haŋ. Gega go mar gobe dufaymiŋ buluŋ kerdeb gogo teŋ haŋ. Dufaymiŋdebe neya deŋya awalik heŋ hite gayen pota yirtekeb neŋ ge po nurnan yeŋbe gogo teŋ haŋ. ¹⁸Goyenbe al kura belen dufaymiŋ igiŋ po kerde bitiŋ yad yad niŋ kurut wor po yeŋ haŋ kenem igiŋ yeŋ nurde

hime. Ningeb ne gor henya ma gor ma henya wor huginen gwahade po ten hinayin. ¹⁹Woy! Dirine yago, denbe al huwak wor po Yesu Kristu yara hewon yen nurde bere kura dirin urke ulin misin katen hi yara den ge ten bene misin bulun wor po nirde hi. ²⁰Den mata ten hanjen goke kukuwamnen wor po nurde hime geb, daha mat kun kadom genen ten igin mat mere dirmewon wor po yen nurde hime.

²¹Be, den Moseyen saba gama irde hini yen nurde han mar goyen denem momon nirnan! Denbe Moseyen saba gote min kenkela ma nurde han? ²²Ma nurde han kenem Moseyen saba gote min goke Al Kurunyen asandebe gahade katin hi geb, kenkela bebak tinan ko. Be, Abrahambe urmin waran minyan hiri. Dirin kurabe meten bere bele kawan kirin. Munan kurabe Abraham berem wor po bele kawan kirin. ²³Meten bere gore dirin kawan kirin gobe alyen dufay gama irde dirin kawan hiri. Munan Abraham berem wor po gore dirin kawan kirin gobe Al Kurun bele Abraham dilinde bin tiyin goyen gama irke dirin kawan hiri.

²⁴Be, Abraham urmin warande baran garebe mata kura dikala dirde hi. Bere kurabe Al Kurun bele Abraham dilinde bin tiyin gote tunanen. Munan kurabe Moseyen saba kerd yuninya bin tiyin gote tunanen. Ningeb meten bere Hagar gobe Al Kurun bele Sainai dugure Yuda mar nin saba Mose unyin gwahade goyen. Goke tenbe saba goyen gama irde gote yufuk bana po han marbe meten bere Hagar hinhin yara po henayin. Epte ma Al Kurunyen dirnen wen henayin. ²⁵Hagar gobe Al Kurun bele Arebia nanare nin Sainai dugure Moseyen saba Yuda mar yunin go goyen yara. Irde bere gobe Yuda marte taun Yerusalem megen ga hi gote tunanen. Alya bereya megen gar nin Yerusalem bana han mar bele Moseyen saba gote yufuk bana po hen kanduk ten han gobe Hagar bele doyan beremin yufuk bana hinhin go gwahade goyen geb, gogo dinen hime. ²⁶Gega aly bereya Al Kurunyen gasunde nin Yerusalem gergen bana han mar gobe doyan bere Sara gote tunanen. Yenbe Moseyen saba yufuk bana ma hinhin. Irde nen wor saba gote yufuk bana ma hite geb, bere gote dirnen wen yen nurde hime. ²⁷Bere gob han kapyabe niga hinhin. Gega kame al budamde abuymin hiri geb, goke Al Kurunyen asande gahade katin:

“Woy, niga bere, gebe dirin kura ma besa irde hayen. Gega aman hawayin.

Diringe yagobe kame kame bere huginen unya hitin gote dirin folek, budam wor po forok yenayin.

Ningeb gebe dirin kawan kerd kerd ulin misin goyen gwahade yen ma nurde ha gega,

kame forok yenayin goke gayenter amanen nurde tiki hawayin!”

yiti hi.

Aisaia 54:1

²⁸Ningeb, kadne yago, denbe Al Kurun bele Aisak nin Abraham dilinde bin tiyin gwahade goyen po, den wor bin titi bana gon hen

Al Kurunyen dirnen wen hitin han. ²⁹Gega Abrahamyen dufayde dirin forok yirin goreb urmin hoyan Holi Spirityen tarende forok yirin goyen bulun bulun irin. Ningeb gwahade goyen po gayenter manan Moseyen saba gama irde han mar belebe Yesu gama irde han mar bulun bulun yirde han. ³⁰Gega itin bele kulin bulun bulun irin goke Al Kurunyen asande dahade katin hi? Asandebe gahade hi: “Meten bereya doyan bereminyat urmin waran gobe epte ma naninde samun goyen tumnande yawariryen. Berem wor po gote urmin bele po gab naninde det yawaryen. Ningeb meten bereya urminyabe yakira tike kuriryen,” yitin hi. ³¹Ningeb, kadne yago, nebe meten bere gote dirnen wen mon, doyan bere gote dirnen wen hite yen nurde hime. Ningeb nebe Moseyen saba yufuk bana ma hite, Yesuyen yufuk bana hite.

Yesu Kristu bele Moseyen saba yufukde mat dad sin dirin

5 ¹Be, Yesu Kristu bele Moseyen saba gote yufuk bana hen kanduk wor po nurde hinhetde mat dad sin dirkeb Moseyen saba gote yufukde ma hite. Kanduk kurun dunen hininde mat dawarin geb, hipirken nurde hite. Ningeb tare henayin. Irde Moseyen saba kanduk dunen hinin goyen bana sopte ma hinayin.

²Ga nurnan ko. Al hoyan bele mon, ne Pol gare mere sanin po dirde hime. Den goyen mulan hen Moseyen saba gama irde guba yenayinbe Yesu Kristu den ge ten kamin gobe min minmon wor po hiyyen. ³Sopte den tumnan hayhay diren tihim. Moseyen saba bana gonbe mata kurayen kurayen gama yird yirdmin metenen wor po goyen budam han. Irde mata goyen tumnan kenkela ma gama yirnayin marbe mata bulun mar yitin hi. Ningeb den han bana gon nin al kura saba goyen bana nin mata kurabe guba yen yen mata goyen igin yen nurde guba yenayinbe go mar gobe saba goyen bana nin mata tumnan gama yirde hinayin. Irde kanduk bana gon hinayin. ⁴Den kura kurabe Moseyen saba gama irteke gab Al Kurun bele al huwak dinyen yen nurde gwaha ten han mar gobe Yesu Kristuya awalik hen hen belentinbe dindiken walde han. Irde Al Kurun bele buninen dirde igin igin dirtek bele goyen dindiken tubul titin han. ⁵Munan nebe gwahade mon. Nebe Yesu nin dufayninin tare irtekeb Al Kurun bele al huwak yen denen hiyen. Ningeb kame nalu funande wor Al Kurun bele gwahade po dinyen yen fudinde nurdeb Holi Spirityen tarende goyen goke doyan hen hite. ⁶Fudinde, nebe Yesu Kristu yufuk bana hitekeb Al Kurun dilingdebe guba yenayin ma guba ma yenayin goyen goke ma nurde hi. Gwahade yarabe dufayninin yen ge sanin irde binininde mat amanen nurde kadinin faran yurde hite goke po gab nurde hi.

⁷Be, hakotbe mere fudinde goyen kenkela wor po gama irde hinhan. Gega ganun al bele wor po usi dirke wabun urde mere fudinde gama

irde hinhan goyen bada haŋ? ⁸Go mar go waŋ wabuŋ duraŋ gobe dufaymiŋde po tiyaŋ. Al Kuruŋ deŋ hoy diriyiŋ al gore ma hulyaŋ yiruŋ. ⁹Go mar gobe yis dirŋeŋ muŋ kura palawa bana hilyaŋ kuŋ meten teŋ hiyen go gwahade goyen. Niŋgeb mel gobe al budam moŋ gega, deŋ kuruŋ gote dufaytiŋ buluŋ yirde haŋ. Niŋgeb keŋkela heŋ ga hinaŋ ko. ¹⁰Nebe deŋ goyen Doyaŋ Al Kuruŋ beleŋ faraŋ durkeb dufay hoyan kura ma tenayiŋ wor po yeŋ nurde hime. Munan al kura gore dufaytiŋ buluŋ yirke ŋakŋak teŋ haŋ. Go dirde haŋ mar gobe tumŋaŋ Al Kuruŋ beleŋ muruŋgem buluŋ wor po yunyeŋ.

¹¹Be, kadne yago, guba yeŋ yeŋ mata niŋ manan tagalde kuŋ himyen manhan ulner mere kuruŋ gwahade ma forok yewoŋ. Gwaha teŋ himyen manhan Yesu kuruse hende kamyiŋ goke tagalde himyen goke asogo ma nirde hiwoŋ. ¹²Niŋgeb guba yeŋ yeŋ matabe igiŋ yeŋ goke bitiŋ yade haŋ mar gobe sikkeŋ wal wal po moŋ daha wor tumŋaŋ yalsok manan yade pasi hewoŋ yeŋ nurde hime!

¹³Be, kadne yago, deŋbe Moseyen saba kanduk miŋyaŋ bana goŋ hikeya Al Kuruŋ beleŋ dawaryiŋ. Irkeb dufaytiŋbe hipirkeŋ po nurde haŋyen. Gega, “Moseyen saba bana ma hite geb, dufayniniŋde mali kuŋ hitek,” yeŋbe megen niŋ mata Al Kuruŋ diliŋde buluŋ yeneŋ hiyende gor ma katnayiŋ. Gwaha titŋeŋbe Al Kuruŋ beleŋ bubulkuŋne wor po yeŋ nurde duneŋ igiŋ igiŋ dirde hi gwahade goyen po, deŋ wor kadom faraŋ gurde teŋ hinayiŋ. ¹⁴Moseyen saba kuruŋ gote miŋ wor pobe gahade yitiŋ hi: “Gigeŋ ge amaŋeŋ nurde hayen gwahade goyen po, al hoyan niŋ manan gwahade po nurde hayiŋ,” yitiŋ. Niŋgeb gwahade po teŋ hinayiŋ. ¹⁵Gega dapŋa duwi yara heŋ kadom giseŋ teŋ kadom ŋiŋiyam gird ma teŋ hinayiŋ. Moŋgo gwaha teŋbe dindikeŋ uliŋ kadom buluŋ gird wor po teŋ hinayiŋ geb keŋkela heŋ ga hinayiŋ.

¹⁶Goke teŋbe Holi Spirit beleŋ doyaŋ dirde hikeya kuŋ hinayiŋ dinen hime. Gogab epte ma dindikeŋde dufay buluŋ gama irde mata teŋ hinayiŋ. ¹⁷Megen niŋ mata teŋ teŋ dufay buluŋbe Holi Spirityen dufayya karki yirtek moŋ. Holi Spirityen dufayya megen niŋ mata teŋ teŋ dufay buluŋyabe ire asogomya wor po. Niŋgeb dufay kura gama irde gwaha gwaha tiniŋ yeŋ nurde haŋyen gega, dufay kura beleŋ walde dunkeb bada heŋ haŋyen. ¹⁸Gwahade niŋgeb, Holi Spirityen dufay gama irde hinayiŋbe Moseyen saba kanduk miŋyaŋ gote yufuk bana ma hinayiŋ.

¹⁹Munan megen niŋ mata buluŋbe keŋkelak wor po gahade: leplep mata, biŋdebe bere niŋ buluŋ mat dufay heŋ heŋ mata, kuluyen mata yara mata memyak teŋ teŋ mata. ²⁰Irdeb det toneŋ al beleŋ yirtiŋ goyen doloŋ yird yird mata, kalgaya soyaya mata. Irdeb kadom niŋ buluŋ nurd gunen gunen mata, kadom niŋ igiŋ ma nurd nurd mata, awalikde heŋ heŋ goyen buluŋ ird ird mata, kadom igiŋ mat hike goke biŋ ar yeŋ yeŋ mata, mali bearar teŋ teŋ mata, kudiŋ dufayde det komkom heŋ heŋ

mata. Irde awalik dufay walde walde mata, al biŋ yakamke fitfut teŋ nende gigen heŋ heŋ mata. ²¹Irde kadom kura igiŋ mat hike yeneŋbe daniŋ neŋ gwahade moŋ yeŋ nurd nurd mata, kukuwa fe nene kukuwa heŋ heŋ mata gwahade gwahade goyen. Be, al mata gwahade go teŋ hinayiŋ mar gobe epte ma Al Kurunyen dirneŋ weŋ henayiŋ. Irdeb Al Kurun belen detmiŋ yuneŋ yiriŋ goyen epte ma yawarnayiŋ yeŋ bikken hayhay dirmiriŋ goyen gago sopte dinhem.

²²Gega Holi Spirityen dufay gama irnayiŋbe igineŋ igiŋ forok yenayiŋ. Iginenbe binde mat kadom niŋ amanen nurd yuneŋ hinayiŋ, aman dufay po kurun hinayiŋ, biŋ kamke igiŋ po hinayiŋ. Irde kadom kura matamiŋ igiŋ hewoŋ yeŋ doyaŋ heŋ heŋ ge piŋeŋ ma heŋ hinayiŋ. Kadom igiŋ igiŋ yirde, yu yirde hinayiŋ, al hoyan belen hekkeŋ nurde yuntek mata po teŋ hinayiŋ. ²³Irde bekkeŋde igiŋ mat al mere yirde mata teŋ hinayiŋ, irde ulinŋde po aman hetek mata fole irde hinayiŋ. Be, mata igiŋ gahade gab megen niŋ saba kura gore epte ma bisam yiryen. ²⁴Fundinde, Yesu Kristuyen alya bereyabe megen niŋ dufay bulunŋya megen niŋ mataya titek titek po nurde hanŋyen kurun gobe kuruse hende gasa yirke kamtiŋ. Niŋgeb megen niŋ dufay bulun gama ma irtek hitiŋ haŋ. ²⁵Neŋbe Holi Spirit belen doyaŋ dirke kuŋ hityen geb, yende yufukde po hitek. ²⁶Irdeb neŋ harhet harhet mata ma teŋ hitek, irde al kura bearar tiyi mat ma mata teŋ hitek, irde kadniniŋ kura igiŋ mat hike yeneŋ daniŋ neŋ gwahade moŋ yeŋ ma nurde hitek.

Al igiŋ igiŋ yirde hinayiŋ

6 ¹Be, kadne yago, al kura mata bulunŋde katke keneŋbe deŋ Holi Spirityen dufay po gama irde haŋ mar goreb faran urde, “Mata bulun go tubul tiya,” innayiŋ. Goyenbe bitiŋde yeŋ ge bunineŋ nurde uneŋya bekkeŋde momoŋ irnayiŋ. Irde gwaha teŋ heŋyabe dindiken mata bulun goyenter kateŋ kateŋ ge keŋkela heŋ ga teŋ hinayiŋ. ²Irde deŋ haŋ bana goŋ kadtiŋ kura kanduk miŋyan hekeb kadom faran gurd teŋ hinayiŋ. Gwaha teŋ hinayiŋbe Yesu Kristu belen mata igiŋ kadtiŋ ge amanen wor po nurde hinayiŋ yiriŋ goyen keŋkela wor po gama irde hinayiŋ. ³Be, al kura mata bulun fole irtek tareŋ miŋmoŋ gega, yinŋeŋ ge yeŋ, “Nebe tareŋne yan,” yiyyen al gobe yinŋeŋ goyen po usi irde hiyeŋ. ⁴⁻⁵Niŋgeb deŋbe matatiŋ kurun goyen Al Kurun diliŋde dahade denen hi goyen goke keŋkela nurde ga hinayiŋ. Irde matatiŋ goyen igiŋ kenem goke igiŋ amanen nurde hinayiŋ. Irde mata dahade teŋ hinayiŋ gote murunŋembe nende gigen Al Kurun diliŋde huwarde yawarnayiŋ. Niŋgeb kadtiŋ kura mata kura tike yeneŋbe, “Yeŋbe bulun, neŋbe igiŋ,” ma yeŋ hinayiŋ.

⁶Irdeb Al Kurunyen mere niŋ saba dirde hiyeŋ al goyen dawet kuran nurkeb faran urde hinayiŋ. ⁷Irde dindiken usi ma yirde hinayiŋ. Al

Kurujbe al kura belej epte ma usi iryen. Ningeb da bingge harnayin gobe gote iginenj po yawarnayin gwahade goyen po, mata dahade tej hinayin gobe gote iginenj manaj gwahade po forok yen hinayin. ⁸Ningeb al kura megen nin dufay bikkek goyen hapek yan yen nurde gama iryenbe dufay bikkek gore po irke Al Kurujyen bearar bana hiyen. Munaj Holi Spirityen dufay po gama irde yen belej aman hiyyen mat po mata tej hiyenbe Holi Spirit belej Al Kurujya huginenj hej hej belej goyen kerd unyen. ⁹Irde Al Kuruj dilinde mata igin tej tej nin bada ma hetek gob gote iginenbe Al Kuruj belej nalu kiryinde gorbe yawartek. Ningeb Al Kuruj dilinde mata igin tej tej nin pinen hej bada ma hetek. ¹⁰Ningeb al kura faraj urtek hike kenenbe go ma kenen wasak titek. Goyenbe Yesu nin dufaymin sanin irde Al Kuruj dirnen wen hitin goyen mar go wa faraj yurtek.

¹¹Be, mere dirde hime gayen kenkela kenen bebak tinayin yenbe hanner wor po mere bilminj karkuwan gago kayhem.

¹²Be, al kurabe gwaha gwaha titekeb al hoyan belej igin dennan yen nurde hanj mar belej denj goyen guba yen yen ge pakku dirde hanjen. Go tej hanj gobe Yesu Kristu kuruse hende kamyin mere goyen goke tej kanduk yenen yenen nin kafura henbe gogo guba yen yen ge pakku dirde hanjen. ¹³Moseyen saba gama irtek yen guba yitin mar goyen wor saba goyen upsinenj ma gama irde hanj. Gega al belej al budam guba yukanj yen turuj dirnayin yenbe gogo guba yen yen nin bitin yade hanj. ¹⁴Gega nebe det hoyan nin ma po turuj turuj tej hej. Doyan Al Kuruj Yesu Kristu kuruse hende kamyin goke po ga turuj turuj tej hej. Nebe kuruse hende kamyin al Yesu goyen po gama irde himyen. Irkeb dufayne bikkek megen nin mata gama irde hinhin goyen wor kuruse hende kamyin. Ningeb megen nin mataya dufayya gote yufukde ma hime. ¹⁵Be, al kura guba yitin ma guba ma yitin gobe det dirnen. Al Kuruj belej goke ma nurde hi. Yenbe al belej Yesu nin dufayminj tarenj irde Al Kuruj dilinde al gergen hej mata igin po tej hi goke po ga nurde hi. ¹⁶Ningeb saba gayen gama irde hinayin marbe tumnanj Al Kuruj belej buninenj yirde igin igin yirde bin yisikamke igin po hiwonj yen nurde hime. Yesuyen alya bereya Al Kuruj dirnen wen wor po hitin goyen tumnanj Al Kuruj belej gwahade po yirwonj yen nurde hime.

¹⁷Be, mere funanj diren tihim geb. Nebe Yesu nin igin ma nurde hanj mar belej mununke usu budam yawarmirin. Ningeb usu delnenj gare nebe Yesuyen meten al goyen dikala dirde hi. Ningeb denj kura belej usi saba gama irde sopte kanduk ma nunnayin.

¹⁸Be, kadne yago, Doyan Al Kurujninj Yesu Kristu belej buninenj dirde igin igin dirkeb igin po hiwonj yen nurde hime. Fudinde wor po.